



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 457. An & qualiter privilegium amittatur per revocationem.

[urn:nbn:de:hbz:466:1-73982](#)

stunt. Atque ita delinquens ante hanc sententiam non tenetur abstinere ab usu privilegii. Suar. l.c. num. 8. Bonac. d. 1. c. 3. p. 8. §. ult. num. 1. Castrop. l.c. num. 3.

Quest. 455. An & qualiter finiatur Privilium per mortem privilegiati & concedentis Privilium?

1. R Esp. Primò: Privilium personale una cum persona, cui concessum, finitur, quia persona adhæret, & non transit ad heredes aut Successores illius. L. *privilegium. de Reg. Juris* in 6. L. *in omnibus. & L. privilegia. ff. eod.* Privilium reale, concessum nimis ratione dignitatis, officii, loci aut rei, deficiente persona per mortem vel amotioinem à dignitate, vel officio, vel re amissa non deficit, sed ad Successores in dignitate & officio (non verò ad administrantes idem officium vacans, Laym. in c. quoniam. de Offic. Jud. delegati) transit. Azor. p. 1. L. 5. c. 22. q. 6. quia, qua ratione dignitatis conceduntur, mutata persona non mutantur, c. si gratos. de rescript. in 6.

2. Resp. Secundò: Privilium semel absolute & sine limitatione concessum & acceptatum non amittitur morte concedentis. Arg. c. si cui. de prob. in 6. c. si super. de off. deleg. in 6. quia privilegium est quædam liberalis donatio, quæ semel facta, non expirat per mortem donantis, & sic etiam precatum, quamvis ex mera liberalitate dantis proficitur, hujus morte secutā pergit durare. Lau. terb. ad ff. de precario. Idque procedit non tantum in privilegio merè favorabili, sed & in odioso, per quod derogatur juri communi, vel præjudicatur juri alterius privati, quia iura loquuntur absolute de gratia, & privilegium etiam odiosum est vera gratia respectu ejus, cui conceditur. Item extenditur, ita ut non tantum sit locus non-expirationis, si res non sit integra, sed etiamsi sit adhuc integra, id est, si privilegiatus nequid cæperit uti privilegio, cùm neque talis limitatio addatur in citatis juribus, & gratia non sit restringenda. Suar. l.c. c. 31. num. 2. Pith. b.t. num. 171. cuius contrarium est in rescriptis iustitia seu ad lites, in quibus delegatur iurisdictio contentiosa fori exteriori, quæ expirat morte delegantis, si res sit adhuc integra. c. relatum. c. gratum. c. licet. de Off. Jud. deleg. limitandum tamen hoc ipsum ad privilegium aliquam gratiam jam factam, & non extendendum ad faciendam per executores, hæc enim re adhuc integrâ expirat morte concedentis. Gl. communiter recepta in c. si cui. de prob. in 6. Dicitur autem gratia facta, quando directè concessa alicui in proprium favorem ipsius, etiæ mera executio ab alia persona dependeat. Suar. l.c. num. 18. & 19. facienda verò, dum nihil directè concessum ei, in cuius favorem tendit, sed delegato v. g. Episcopo vel confessori directè mandatum, ut talem gratiam concedat, v. g. causâ cognitâ, dispenseat, ita Pith. l.c. cum Suar. l.c. & Laym. cit. c. 22. n. 48. Item limitanda hæc ad casum, in quo Princeps concessit privilegium dicendo: *Ad beneplacitum nostrum*. Arg. L. *locatio. ff. locati.* cum talia verba significant perseverantiam ejusdem voluntatis, quæ cum vita concedentis finitur. Suar. l.c. c. 32. n. 2. Pith. num. 172. quamvis addat, citans pro hoc Gail. L. 2. obf. 60. num. 16. moderno usu observati privilegia etiam concessa à Principe sub hac forma: *ad beneplacitum nostrum*: Morte concedentis non expirare, ex ea ratione, quod non prohibeatur stare ei, quod expressè non mutatur, uti

R. P. Leur. Jur. Can. Lib. V.

dicta voluntas concedentis non mutatur morte, nisi extinguatur, quod à potiore procedere videretur, dum Princeps concessit privilegium dicendo: *donec revocavero*: quorum aliam rationem reddi non posse ait Laym. in cit. c. gratos. quād quod per verba hæc: *Concedimus ad beneplacitum nostrum* (quod idem dicendum videretur de verbis: *donec revocavero*) Princeps solum intendat cavere & admonere, privilegium non transire in contractum seu pactum, & per talen concessionem nullam sibi vel Successoribus suis obligationem imponi, sed liberè revocari posse.

Quest. 456. Qualiter pereunte re, cui Privilegium annexum, pereat Privilium?

R Esp. Privilium reale seu locale v. g. concessum religioni, collegio, dignitati, officio, iis penitus suppressis seu extinctis perit, ut & concessum loco, puta ecclesiæ, monasterio, castro, civitati, fundo, quibus tanquam subiecto circa respectum ad personas, eorum possessores aut inquilinos inhæret, destruitis sine spe reparacionis aut redificationis exspirant. Arg. Reg. accessorium. de reg. Jur. in 6. Gl. in reg. privilegium eodem. v. personale. Innoc. in c. cum ex injuncto. de novi oper. nunc. quod limitant Reiffenst. num. 172. & alii, ut procedat, si autoritate Superioris, habentis ad hoc autoritatem, destruant sine spe redificationis, securus est, seu pergit inhærente fundo non fecus ac consecratio loci sacri adhæret pavimento. L. ad Sacra. ff. de contract. empt. ubi lps est redificationis. c. pastoralis. 7. q. 1. Idem est, si ecclesia aut monasterium ideo destruitur, ut alio commodiore loco ædificetur, tunc enim retinet privilegia prius habita, cum ecclesia alibi redificata censeatur eadem cum destruta, quippe comparatur persona, quæ concessa sibi privilegia secum defert, sic etiam, ubi privilegia concessa non ratione sicut, sed ratione alterius tituli transcribili, v. g. ratione confraternitatis vel reliquiarum aliquius Sancti ibi depositarum, tunc enim his translati aliò, etiam privilegia transferuntur aliò, & ita tenent Felin. in c. cum dilecta. de rescript. n. 25. Azor. p. 1. L. 5. c. 22. q. 11. Suar. de LL. L. 6. c. 5. a num. 5. quos citat & sequitur Wiesn. b.t. num. 41. Item cum monasterium privilegium hostiliter defolatum unitur alteri monasterio, unitur enim tunc cum omnibus rebus & juribus & actionibus, quæ competunt ei. Arg. c. quia monasterium. de relig. domib. & consequenter cum omnibus privilegiis suis, quibus deinde alter Abbas Monasterii, cui unitur, uti potest per habitudinem ad monasterium destructum, Reiffenst. num. 175.

Quest. 457. An & qualiter Privilium amittatur per revocationem?

1. R Esp. Primò: Privilium consistens in facultate & licentia delegata ad usum aliquem contra vel præter legem communem concessum subditu potest validè, etiam sine causa revocari à concedente illud ejusque Successore pro libitu. Abb. in c. novit. de Indic. num. 23. Felin. ibid. num. 8. Sanch. L. 8. de diffens. L. 8. c. 13. num. 1. Suar. l.c. c. 37. num. 10. Salat. d. 17. S. 14. num. 70. Bonac. d. 1. q. 3. p. 8. §. 3. num. 1. Pont. L. 8. de mat. c. 19. num. 11. Castrop. tr. 3. d. 4. p. 21. §. 1. num. 1. Pith. b.t. num. 86. cum communi, quia talis privilegii concessio est quasi quædam delegatio, quæ à delegante revocari potest. Dicitur primò:

II

Con-

Concessum subditum: quia sicut potest subditum à legge eximere per privilegium, ita potest cundem iterum subjecere legi per revocationem privilegii, eique denuo imponere praeceptum, quod per legem sublatum est, cum non amiserit potestatem jurisdictionis in illum. Dicitur secundò: *Valide etiam sine causa*: ex eadem ratione, nimirum ratione revertentiae jurisdictionis, quod tamen ubi fecerit, peccabit venialiter, ut sentiunt Salas. l.c. Sanch. n. 11. Molin. de primog. L. 4. c. 3. num. 20. Castrop. l.c. quia mutare voluntatem levitatis & inconstantie est, & contra naturam beneficii Principis, quod decet esse mansum. Privilegium tamen transversens dominium in privilegium, sive concessum sit subditum, sive non subditum revocari nequidem validè potest sine causa, ubi jam acceptatum à privilegiato, quia donatio acceptata revocari nequit, cum nemo re suā, qualis est privilegium concessum & acceptatum, privari possit sine causa, adeoque nec Princeps privilegium, v.g. exigendi tributum aliquod à se concessum tollere potest à privilegiato tanquam illius bonum proprium. Castrop. l.c. n. 2. nisi forte concessum à Rege sine consilio Procerum, dum damnosum est regno, ut Idem n. 3. Porro causa revocandi privilegium sufficiens est eadem, quæ est causa revocandi donationem perfectam, qualis est, si donatio cederet in gravem jacturam Regis & regni, aut communis boni. De cetero

2. Resp. Secundò: Privilegia conventionalia per pactum seu contractum onerosum, v.g. pro pretio, vel sub onere aliquius operis faciendi, aut etiam in renuntiationem aut compensationem meritorum, concessa etiam subditu, revocari à concedente sine gravi & bonum publicum concernente causa non possunt, Suar. l.c. c. 37. num. 7. Bonac. l.c. num. 2. Salas l.c. Sanch. l.c. d. 33. n. 9. Valsq. in opusc. c. 6. §. 1. Less. l. 2. de Justit. c. 33. du. 4. n. 35. Pont. l. 9. de mat. c. 19. §. 2. num. 13. Castrop. l.c. §. 2. num. 1. Lauterb. ad ff. de consti. Princip. §. 50. ex ea ratione, quod Princeps servare tenetur pacta & conventiones cum subditu initas, cum exinde oriatur obligatio justitia etiam adversus Principe, à qua obligatio semel contracta recedere, & inde jus quæsum subditu suā penitentiā auferre, ut ostendit Anton. de Petra tract. de iure quesit. non toll. per Principem. c. 32. q. 3. num. 45. Unde in Camera Imperiali mandata poenalia contra Principem & Status Imperii, qui privilegia conventionalia ex causa onerosa impetrata revocant, impetrantur. Arg. Ordin. Cam. p. 2. tit. 23. testatur Lauterb. l.c. Privilegium etiam remuneratorium obsequiorum & meritorum debitum, & non gratis datum censeretur, & affine est dato ex conventione. Wiesn. h.t. num. 59. Ad hoc autem, ut revocari nequeant, requiritur, ut meritum in specie fiat mentio, & non sufficit dicere: *ob merita tua concedimus tibi*, &c. quia privilegium debet adæquati meritis, de quo constare nequit, nisi merita in specie exprimantur. Castrop. l.c. num. 6. si autem specialiter sint expressa, sufficienter censentur probata, & sufficit, quod concedens id affirmet, lecus, si in genere tantum dicat: *ob merita, vel quia bene meritus*. Castrop. num. 7. Jafon. cons. 227. vol. 9. quod tamen qualiter limitandum, vide apud Castrop. unde etiam privilegium absoluta donatione à principe concessum subditu revocari nequit, cum per illam donationem acquiratur ei dominium & jus. Quod si verò Princeps ob gravem justamque bonum publicum concernentem causam privilegi-

um revocavit, tenetur restituere premium, si quod in concessione privilegii intervenit, aut, si quod opus ei exhibitum, æquivalentiam operis illius reddere, ne aliàs revocatio sit nulla, utpote iusta, tradunt Stuar. l.c. referens alios. Sanch. Salas & alii apud Castrop. l.c. iis consentientem, qui etiam num. 2. cum Sanch. num. 13. Bonac. num. 12. Pontio num. 13. & aliis inde insertis dispensationes in gradu prohibito ad matrimonium contrahendum concessas à Pontifice non revocati, nisi causa justa intercedat, & insuper reddatur premium ei, cum quo fuit dispensatum. Item num. 3. cum Henr. I. 7. de indulg. c. 21. num. 7. Manuel. in exposit. cruciate. §. 12. num. 13. Sanch. d. 33. num. 10. Salas. Bonac. & aliis assertit, non revocari per jubilæum privilegia in Bulla cruciata concessa, licet etiam Pontifex dicat, se revocate omnes gratias, privilegia & facultates singularibus personis, quacunque dignitate fulgentibus, quæcumque de causa concessa, quia in Bulla cruciata concessa sunt sub contractu oneroso, nimirum dandi certam eleemosynam, cuius debebat fieri specifica mentio.

Quæst. 458. *Quæ ratione facienda revocatio privilegii vel dispensationis, ut effectum secum habeat?*

1. R Esp. Primò: Hæc revocatio fieri potest expresse, nimirum verbis expressis, vel tacite, dum Princeps faciat actum, quicunque privilegio stare non potest; sufficiat autem, dum sit expressa, clausula generalis, quæ dicit Princeps: vel le se privilegium vel constitutionem aliquam valere, non obstantibus quibuscumque privilegiis in contrarium, hoc ipso enim abrogantur seu revocantur quælibet in contrarium privilegia. Limitandum tamen id in privilegiis concessis per modum contractus sive onerosi, sive remuneratori; cum enim sint irrevocabilia, & per ea jus quæsum, nisi causa publica & compensatio intercedat, nullo modo presumi debet eorum revocatio, nisi in ea exprimantur etiam per contractum concessa. Sicat. l.c. c. 38. num. 3. Sanch. cit. d. 33. num. 8. Azor. L. 5. c. 22. q. 11. Pont. l.c. num. 16. Salas. de LL. d. 17. f. 14. num. 71. 73. & 79. Castrop. §. 4. num. 3. Item in privilegiis habentibus clausulam, ut revocari non possint, nisi eorum specifica mentio fiat, cum tunc in revocatione addi debet aliquia clausula, quæ hæc privilegia contineri videantur. Castrop. num. 4. qui tamen cum Salas. Bonac. Pont. aliisque à se ciratis addit, sufficere, si Princeps dicat: se revocare privilegia in contrarium sub quacunque forma concessa; quia hæc verba operari aliquid debent, ac proinde debent esse revocatoria privilegiorum habentium clausulam revocatoriam quorumcumque privilegiorum. Ac denique in privilegiis insertis corpori juris, quæ cum non tantum sint privilegia, sed & canones & leges, quoque canonum & legum fiat derogatio, non censerent derogata, ita Salas. LL. cit. Castrop. num. 5. Jason. in L. 1. ff. solut. mat. cum Gl. in L. 3. C. de silent. & curionib. Quin etiò privilegium ab aliquo Concilio generali statutum, non sufficere ad derogationem illius clausulam derogatoriam quorumcumque privilegiorum, sub quacunque forma concordiorum, sed ex primi debere insuper Concilium vel saltem sub generalibus verbis dicendo: non obstante quacunque constitutione in Concilio generali edita. Arg. c. ult. de capell. monach. & c. nonnulli, de rescript. Co- var.